

[Augsburg], 11./12. Oktober 1556

An Johannes Oporinus

UB Basel, Fr. Gr. I 11, fol. 201r.  
Steinmann Nr. 693.

S. P. D. Tertium iam scribo eadem. A D. Antonio Fuggero impetrati sunt f. 300 mutuae et 50 honorariae pecuniae. eos 350 f. a Prechteris sine mora accipies, si ista conditio tibi placuerit. Mittentur enim ad eos literae quibus tantum tibi numerare iubebuntur accepta abs te syngrapha. Solutio ad 3 proximas nondinas exigetur, centenûm in singulas florinorum. Speraui aliquid liberalius. sed vix hoc impetratum est. Primum tomum ad te misi ante dies 12 per tabellarium vestratem gentilem meum ex Straboniana familia. sed non totum. Reliquos terniones octo, et 5 aut 6 de secundo tomo, intra dies 14, vt spero, accipies. Fac quaeso, quamprimum specimen operis egregium huc mittas, quo viso fortassis senex fiet aliquanto mitior. Vale. Raptim. 1556. 11 Octobris. 1556.

Hiero[nymus] Wolfius  
Tuus.

Nihil opus est te expectare dum hinc responsum accipias. Cum primum syngrapham Argentoratum miseris ad Prechters, pecuniam accipies. Hoc mihi tum demum significatum est, vbi D. Antonius nonnihil ex morbo recreari caepit. Fac mihi specimen Zonarae cum hoc tabellario mittas, nisi deos hominesqûe qui in mea potestate sunt, omnes iratos habere malueris. Vale 22<sup>1</sup> Octobris.

<sup>1</sup>22] wohl Schreibfehler statt 12.